

欽定明史

卷一百六十八

卯

支

三十四

三

十一

一

歲

光緒癸卯冬十月
五洲同文局石印

欽定四庫全書總目提要

明史三百三十六卷

國朝保和殿大學士張廷玉等奉

敕撰乾隆四年七月二十五日書成表

進凡本紀二十四卷志七十五卷表一十三卷列傳
二百二十卷目錄四卷其進表有曰仰惟

聖祖仁皇帝按圖書於金石羅耆俊於山林創事編摩寬
其歲月蓋康熙十八年始

詔修明史並

召試彭孫適等五十人入館纂修以記載浩繁異同歧出

遞相攷證未遽定也又曰我

世宗憲皇帝重申公慎之旨載詳討論之功臣等於時奉
敕充總裁官率同纂修諸臣開館排輯十五年之內幾經
同事遷流三百餘卷之書以次隨時告竣蓋雍正
二年

詔諸臣續藏其事至是乃成書也又曰籤帙雖多牴牾互
見惟舊臣王鴻緒之史彙經名人三十載之用心
進在

彤幃頒來祕閣首尾略具事實頗詳爰即成編用為
初槁蓋康熙中戶部侍郎王鴻緒撰明史彙三百

十卷惟帝紀未成餘皆排比粗就較諸家為詳贍故因其本而增損成帙也其間諸志一從舊例而稍變其例者二歷志增以圖以歷生於數數生算算法之句股面線今密於古非圖則分判不明藝文志惟載明人著述而前史著錄者不載其例始於宋孝王關中風俗傳劉知幾史通又反覆申明於義為允唐以來弗能用今用之也表從舊例者四曰諸王曰功臣曰外戚曰宰輔初新例者一曰七卿蓋明廢左右丞相而分其政於六部而都察院糾核百司為任亦重故合而七也列傳從舊例

者十三初新例者三曰閹黨曰流賊曰土司蓋貂
璫之禍雖漢唐以下皆有而士大夫趨勢附羶則
惟明人為最夥其流毒天下亦至酷別為一傳所
以著亂亡之源不但示斧鉞之誅也閹獻二寇至
於亡明勦撫之失足為炯鑒非他小醜之比亦非
割據羣雄之比故別立之至於土司古謂羈縻州
也不內不外釁隙易萌大抵多建置於元而滋蔓
於明控馭之道與牧民殊與禦敵國又殊故自為
一類焉若夫甲申以後仍續載福王之號乙酉以
後仍兼載唐王桂王諸臣則

頒行以後宣示

綸綽

特命改增

聖人大公至正之心上洞三光下昭萬禩尤自有史籍
以來所未嘗聞見者矣

翰林院檢討臣孫廷翰恭錄

經筵講官太保兼太子太保保和殿大學士兼管吏部尙書翰林院掌院學士事世襲三等伯臣 魏元愷等奉

勅纂修明史告竣恭呈

睿鑒臣等謹奉

表恭

進者伏以

瑤圖應運丹綸繙竹素之遺

錐鼎凝庥玉局理汗青之業集百年之定論哀一代之

舊聞歷纂輯於

興朝畢校紬於茲日垂光冊府煥采書林竊惟論道首

在尊經紀事必歸攬史興衰有自七十二君之蹟
何稱法戒攸關二十一史之編具在繼咸五登三
之治心源不隔於邃初開萬方一統之模典制必
叅諸近世况乎歲時綿歷載籍叢殘執簡相先合
衆長而始定含毫能斷昭公道以無私考獻徵文
用備西山之祕屬辭比事上塵

乙夜之觀欽惟

皇帝陛下

乘六御天

奉三出治

紹庭建極綏蕩平正直之猷
典學傳心綜忠敬質文之統
觀人文以化天下鑑物惟公

考禮樂以等百王折衷必當惟茲明史職在儒臣紀
統二百餘年傳世十有六帝創業守成之略卓乎
可觀典章文物之規燦然大備迨乎繼世法弗飭
於廟堂降及末流權或移於閭寺無治人以行治
法旣外釁而內訌因災氛以啟寇氛亦文衰而武
弊朝綱不振

天眷旣有所歸賊燄方張明祚遂終其運我

國家丕承景命肇建隆基天戈指而掃欃槍王會圖而
陳玉帛滌中原寇盜之孽奠我民生慰前朝諸帝
之心雪其國耻迄今通侯備恪俎豆相承依然守
戶衛陵松楸勿翦是則擴

隆恩於覆載旣極優崇因之徵故籍於春秋絕無忌諱
第以長編汗漫抑且雜記舛訛靖難從亡傳聞互
異追尊議禮聚訟紛拏降及國本之危疑釀爲要
典之決裂兵符四出功罪難明黨論相尋貞邪易
貿稗官野錄大都荒誕無稽家傳碑銘亦復浮夸
失實欲以信今而傳後允資博考而旁參仰惟

聖祖仁皇帝搜圖書於金石羅耆俊於山林創事編摩寬其歲月我

世宗憲皇帝重申公愼之旨載詳討論之功臣等於時奉勅充總裁官率同纂修諸臣開館排緝聚官私之紀載核新舊之見聞籤帙雖多牴牾互見惟舊臣王鴻緒之史稿經名人三十載之用心進在

彤闡頒來秘閣首尾略具事實頗詳在昔漢書取裁於馬遷唐書起本於劉昫苟是非之不謬詎因襲之爲嫌爰卽成編用爲初稿發凡起例首尚謹嚴据事直書要歸忠厚曰紀曰志曰表曰傳悉仍前

史之體裁或詳或畧或合或分務覈當時之心跡
文期共喻掃艱深鄙穢之言事必可稽黜荒誕奇
袤之說十有五年之內幾經同事遷流三百餘卷
之書以次隨時告竣勝國君臣之靈爽實式憑之
累朝興替之事端庶幾備矣臣等才謝宏通學慚
淹貫幸際

右文之代獲尚論於先民敢云稽古之勤遠希風於
作者恭蒙

睿鑒俾授梓人伏願

金鏡高懸

璇樞廣運

叅觀往跡考證得失之源

懋建鴻猷昭示張弛之度無怠無荒而熙庶績化阜
虞絃克寬克仁而信兆民時存殷鑒則冠百王而
首出因革可徵百世之常邁千禩以前驅政教遠
追千古而上矣謹將纂成本紀二十四卷志七十
五卷表十三卷列傳二百二十卷目錄四卷共三
百三十六卷刊刻告成裝成一十二函謹奉
表隨

進以

聞

乾隆四年七月二十五日

經筵講官兼太子保和殿學士兼吏部尚書翰林院學士事世襲等

臣

張廷玉

太子少保食尚書俸

臣

徐元夢

戶部右侍郎加五級

臣

留保

乾隆四年七月二十五日奉

旨開列在事諸臣職名

監理

議政大臣辦理理藩院尚書事務兼總管內務府和碩莊親王

臣

允

祿

總裁

經筵講官保兼太子保保和殿學士兼管吏部尚書翰林院掌院學士世襲三第

臣

張廷玉

原任太子太傅文華殿大學士兼吏部尚書加五級

臣

朱軾

原任經筵講官太子太傅文華殿大學士兼理戶部尚書事務加七級

臣

蔣廷錫

太子少保食尚書俸

臣

徐元夢

原任議政大臣戶部尚書管理三庫兼步軍統領教習庶吉士

臣

鄂爾奇